

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06 i 51/09), člana 71, 124. i 125. Statuta Općine Vogošća („Službene novine Kantona Sarajevo“, broj: 27/14 – Prečišćen tekst, 14/15, 9/20 i 23/24), Zakona o pravima branilaca i članova njihovih porodica („Službene novine Federacije BiH“, broj: 33/04, 56/05, 70/07, 9/10, 90/17 i 29/22), Pravilnika o ostvarivanju prava na jednokratnu novčanu pomoć boračkoj populaciji za troškove liječenja Općine Vogošća, broj: 09-37-1241/25 od 13.06.2025.godine, Odluke o izvršavanju Budžeta Općine Vogošća za 2025. godinu („Službene novine Kantona Sarajevo“, broj: 1/25), tačke 20. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj: 37/24) i Odluke Općinskog načelnika o načinu primjene smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine, broj: 02-02-575/25 od 15.04.2025. godine, Općinski načelnik Općine Vogošća, objavljuje

JAVNI POZIV za dodjelu jednokratne novčane pomoći boračkoj populaciji za troškove liječenja

I – PREDMET JAVNOG POZIVA

Predmet Javnog poziva je dodjela jednokratne novčane pomoći boračkoj populaciji za troškove liječenja. Pomoć će biti dodijeljena u skladu sa raspoloživim sredstvima u Budžetu Općine Vogošća za 2025. godinu, shodno podnesenim zahtjevima.

II – FINANSIJSKA SREDSTVA

Finansijska sredstva za dodjelu jednokratne novčane pomoći boračkoj populaciji za troškove liječenja raspoređivat će se u skladu sa Pravilnikom o kriterijima i raspodjeli novčanih sredstava za dodjelu jednokratne novčane pomoći boračkoj populaciji za troškove liječenja (u daljem tekstu Pravilnik) sa budžetske pozicije:

- 614232 – novčana pomoć boračkoj populaciji za troškove liječenja.

Ukupan iznos planiranih sredstava u Budžetu Općine Vogošća za 2025. godinu iznosi 65.000,00 KM.

Visina iznosa jednokratne novčane pomoći utvrđena je Pravilnikom.

III – PRAVO NA DODJELU JEDNOKRATNE NOVČANE POMOĆI

Pravo na dodjelu jednokratne novčane pomoći boračkoj populaciji za troškove liječenja, korisnici mogu ostvariti jednom u toku kalendarske godine uz ispunjavanje propisanih uslova Pravilnikom.

Izuzetno pravo na novčanu pomoć ostvaruju ratni vojni invalidi 100% I grupe – paraplegičari mjesečno.

IV – LICA I OSNOV ZA OSTVARIVANJE JEDNOKRATNE NOVČANE POMOĆI

(1) Pravo na jednokratnu novčanu pomoć u skladu sa Pravilnikom imaju lica koja imaju priznat status:

- 1) Borca/branitelja BiH;
- 2) Ratnih vojnih invalida i članova njihovih porodica;
- 3) Članova porodica šehida i poginulih i nestalih boraca/branitelja i umrlih ratnih vojnih invalida;
- 4) Organizatora otpora;
- 5) Veterana/prvoboraca;
- 6) Članova porodica umrlih demobilisanih boraca.

(2) Pravo na jednokratnu novčanu pomoć mogu ostvariti lica iz tačke 1. ovog Javnog poziva za slijedeće:

- za liječenje različitih malignih oboljenja, rijetkih oboljenja i drugih teških bolesti, a na osnovu preporuke Konzilija ljekara nadležne medicinske ustanove;
- za nabavku lijekova koji se ne nalaze na esencijalnoj listi lijekova Kantona Sarajevo;

- za participiranje u troškovima liječenja u inostranstvu, a na osnovu preporuke nadležne medicinske ustanove;
- za posebne potrebe kao što su elementarne nepogode i druge projekte koji se odnose na pomoć boračkoj populaciji.

(3) Izuzetno od odredaba tačke IV. stav 1. i 2. ovog Javnog poziva pravo na mjesečnu novčanu pomoć mogu ostvariti lica koja imaju status:

- ratnog vojnog invalida 100% I grupe – paraplegičari koja ostvaruju svoja prava u Službi za boračko-invalidsku i socijalnu zaštitu sa područja općine Vogošća

V – USLOVI ZA OSTVARIVANJE PRAVA

(1) Uslovi za ostvarivanje prava na jednokratnu novčanu pomoć boračkoj populaciji za troškove liječenja na osnovu Pravilnika su:

- da podnosilac zahtjeva ima prebivalište na području općine Vogošća;
- da podnosilac zahtjeva i članovi zajedničkog domaćinstva nemaju nikakvih primanja ili da ukupni mjesečni prosjek primanja, uključujući i primanja po osnovu prava iz socijalne i boračko-invalidske zaštite po članu zajedničkog domaćinstva ne prelaze iznos od 300,00 (tristotine) KM, osim u izuzetnim i opravdanim okolnostima koje će se cijeliti u svakom konkretnom slučaju;
- da niko od članova porodičnog domaćinstva podnosioca zahtjeva nije vlasnik preduzeća, samostalne ili dopunske djelatnosti;
- da podnosilac zahtjeva i niko od članova domaćinstva podnosioca zahtjeva nije ostvario drugi vid jednokratne novčane pomoći putem Službe za boračko-invalidsku i socijalnu zaštitu.

(2) Izuzetno uslovi za ostvarivanje prava na novčanu pomoć ratnim vojnim invalidima 100% I grupe – paraplegičarima na osnovu Pravilnika su :

- da imaju priznat status ratnog vojnog invalida 100% I grupe – paraplegičar;
- da ostvaruju prava putem Službe za boračko-invalidsku i socijalnu zaštitu;
- da imaju prebivalište na području općine Vogošća.

VI – POTREBNA DOKUMENTACIJA

Prilikom prijave na ovaj Javni poziv potrebno je da svi podnosioci zahtjeva prilože sljedeću dokumentaciju u originalu ili ovjerenoj fotokopiji:

- (1) Za ostvarivanje prava jednokratne novčane pomoći boračkoj populaciji za troškove liječenja:
- Čitko popunjen i potpisan propisani obrazac zahtjeva, koji je sastavni dio ovog Javnog poziva;
 - Kućna lista;
 - Dokaz o statusu (uvjerenje Federalnog ministarstva za pitanja boraca i invalida odbrambeno oslobodilačkog rata);
 - Potvrda poslodavca o visini primanja za sve punoljetne članove domaćinstva;
 - Fotokopija čeka penzije, ukoliko je podnosilac zahtjeva ili neko od članova domaćinstva korisnik penzije;
 - Potvrda da se lice i ostali članovi zajedničkog domaćinstva nalaze na evidenciji nezaposlenih;
 - Potvrda od škola za djecu stariju od 15 godina;
 - Uvjerenje Porezne uprave za sve punoljetne članove zajedničkom domaćinstva;
 - Uvjerenje o primanjima putem Službe za boračko-invalidsku i socijalnu zaštitu (službeno);
 - Uvjerenje o primanjima putem Službe socijalne zaštite općine Vogošća (službeno);
 - Potvrda o prijavi prebivališta za sve punoljetne članove domaćinstva CIPS (službeno);
 - Medicinska dokumentacija za oboljelog podnosioca zahtjeva ili za člana domaćinstva;
 - Potvrda banke o otvorenom tekućem računu na ime podnosioca zahtjeva.

(2) Za ostvarivanje prava novčane pomoći ratnim vojnim invalidima 100% I grupe – paraplegičarima:

- čitko popunjen i potpisan propisani obrazac zahtjeva, koji je sastavni dio ovog Javnog poziva;
- uvjerenje o statusu (službeno).

VII – POSTUPAK DODJELE JEDNOKRATNE NOVČANE POMOĆI

- 1) Postupak za dodjelu jednokratne novčane pomoći provodi Komisija imenovana od strane Općinskog načelnika.
- 2) Komisija će u svakom konkretnom slučaju, iznos odobrenih novčanih sredstava utvrditi na osnovu socijalno materijalnog statusa podnosioca zahtjeva, broja članova porodičnog domaćinstva, zdravstvenog stanja podnosioca zahtjeva odnosno članova domaćinstva.
- 3) Nakon što Komisija utvrdi da su ispunjeni uslovi propisani Pravilnikom o kriterijima i raspodjeli novčanih sredstava za dodjelu jednokratne novčane pomoći boračkoj populaciji za troškove liječenja, Općinski načelnik putem nadležne Službe donosi Rješenje o ostvarivanju prava.
- 4) Zahtjevi koji ne ispunjavaju propisane uslove za dodjelu novčanih sredstava, kao i zahtjeve podnesene nakon utroška sredstava predviđenih za jednokratnu novčanu pomoć za boračku populaciju, odbijaju se Zaključkom Općinskog načelnika putem nadležne Službe, a na prijedlog Komisije.
- 5) Protiv Zaključka iz tačke VII. stava 3. i tačke VII. stava 4. ovog Javnog poziva, može se izjaviti žalba Drugostepenoj stručnoj komisiji Općinskog vijeća u roku od 15 dana od dana prijema Zaključka.
- 6) Podneseni zahtjev važi samo za kalendarsku godinu u kojoj je zahtjev podnešen.

VIII – POSTUPAK PODNOŠENJA ZAHTJEVA

Zahtjeve sa dokumentacijom traženom ovim Javnim pozivom podnose se direktno na protokol Općine Vogošća ili putem pošte na adresu:

OPĆINA VOGOŠĆA
Služba za boračko-invalidsku i socijalnu zaštitu
Ulica Jošanička broj 80
71320 Vogošća


sa naznakom: „**Prijava na Javni poziv za dodjelu jednokratne novčane pomoći boračkoj populaciji za troškove liječenja**“

Javni poziv ostaje otvoren do kraja tekuće kalendarske godine, odnosno do 31.12.2025. godine odnosno do utroška planiranih budžetskih sredstava.

Sve dodatne informacije vezane za ovaj Javni poziv mogu se dobiti svakim radnim danom, pozivom na brojeve telefona 033/586-470 ili 033/586-471 ili direktno u prostorijama Službe za boračko-invalidsku i socijalnu zaštitu (II sprat, kancelarija broj 40 i 42).

Nepotpuna i neblagovremena dokumentacija neće se uzimati u razmatranje.

Broj: 09-37-1241/25
Vogošća, 20.06.2025.godine

 **OPĆINSKI NAČELNIK**

Migdad Hasanović